

Drücklich her : Cœlum aut nobiscum solvitur in lachrymas, Oder :
Cœlum aut pro nobis solvitur in lachrymas, Das ist/der himel weinet
entweder mit vns / die wir weinen vnd recht trawren / oder
er weinet für vns / die wir wenig vnd gar nichts weinen.

Ach sich / wie izt der Himmel weint /

Wol dem / der es auch also meint.

Vnd trawrt vber den frommen Herrn /

Mit bitt/das Gott woll wieder bschern

Ein solchen Gottseligen Fürst /

Ach gib vns ihn / Herr Jesu Christ.

Mit solchen vnd dergleichen gedanken hab ich domals die
Fürstliche Leiche angesehen / als ein lieblicher sanffter regen
anfenglich herab fiel. Ob aber wol das darauff bald erfolgende
vngewöhre wetter natürliche vrsachen hat (wie im dritten
Capittel/ aus der himmels figur vber die löbliche Stadt Stet-
tin erigiert/ gemeldet werden soll) So ist's gleichwol ex circum-
stantia temporis, & publici solennissimiq; conventus, zu der zeit in
solcher grossen löblichen / so vieler Fürsten vnd Ritterlichen
Personen utriusq; sexus, zusammentunfft / magis ominosum &
prodigij loco habendum, das ist/ desto mehr zubetrachten/ ja zu
befürchten/ als wen es sonst in tempore simplici & vulgari, ex-
tra hujusmodi quasi comitia, zu andern gemeinen zeiten/ vnd ge-
wöhnlichem lauff nach/ sich begeben hatte : wie den ohne das zu
Herbstzeiten dergleichen importuna impressiones atq; tumultus
aëris oder vnartig gewitter an platzregen/ hagel / donner/ blitz
etc. auffstehen pflegē/ sonderlich wen der Herbst so schön/warm
vnd trucken ist/ als dis Jahr gewesen. Educuntur enim tunc plu-
rimæ exhalationes crassæ in sublimem aërem, quando videlicet ma-
ximi calores urgent, & continui vel frequentes sunt. Quantò nam-
que æstuosius tempus est, tantò plures fiunt tempestates, siquidem
materiæ fulgurum & fulminum non possunt in altum attrahi & per-
coqui & inflammari, nisi à validissimo calore, qui est in æstate, & in-
terdum in autumno calidiore.

Es ist aber von natur also comparatura vnd geschaffet/ das
die menschen omium amantes seind/ vnd ihnen selbst omina sin-
gieren/ das ist/ leichtlich etwas für ein wunderzeichen oder son-
derliche